

Na osnovu člana 72. Zakona o javnim nabavkama („Službeni glasnik BiH“, broj: 39/14 59/22 i 50/24), a nakon provedenog postupka javne nabavke putem konkurentskog postupka, za potrebe Generalnog sekretarijata Savjeta ministara Bosne i Hercegovine, zaključili su u Sarajevu, dana 29.10.2024. godine

UGOVOR

o pružanju usluga održavanja zajedničke platforme za upravljanje dokumentima Savjeta ministara BiH

između:

Generalni sekretarijat Savjeta ministara Bosne i Hercegovine, Trg Bosne i Hercegovine broj 1, Sarajevo, koju zastupa generalni sekretar mr. Robert Vidović (u daljem tekstu: Naručitelj usluga),

i

ORKA d.o.o., Mula Mustafe Bašeskije 6, 71000 Sarajevo JIB: 4200891300003 koga zastupa direktor Nihad Salkić (u daljem tekstu: Pružatelj usluga).

I PREDMET UGOVORA

Član 1.

Predmet ovog Ugovora je vršenje usluga Održavanja zajedničke platforme za upravljanje dokumentima Savjeta ministara BiH za sve navedene institucije, uključujući i aplikaciju za elektronsko vođenje sjednica Savjeta ministara BiH – „e-sjednice“; kao i unaprjeđenje i uvođenje novih funkcionalnosti u sustav za upravljanje dokumentima za sve institucije Savjeta ministara BiH, koje se nalaze na zajedničkoj platformi, uključujući i aplikaciju za elektronsko vođenje sjednica Savjeta ministara BiH – „e-sjednice“, a sve u skladu sa Aneksom 3. tenderske dokumentacije.

II CIJENA

Član 2.

Cijena mjesečne naknade za usluga održavanja zajedničke platforme za upravljanje dokumentima Savjeta ministara BiH bez PDV-a iznosi 3.205,00KM.

Ukupna cijena usluge za period trajanja ugovora bez PDV-a iznosi 38.460,00KM (slovima: tridesetiosamhiljadačetiristotinešezdeset i 01/100KM).

Ukupna vrijednost ugovora sa popustom i PDV-om iznosi 44.998,20KM (slovima: četrdesetičetirihiljadedevetstotinašezdesetiosam i 20/100 KM).

Cijena je fiksna i ne može se mijenjati za vrijeme trajanja ugovora.

III OBAVEZE PRUŽATELJA USLUGA

Član 3.

Obaveze Pružatelja usluga jesu sljedeće:

1. da usluge koje su predmet Ugovora izvrši kvalitetno prema standardima struke;
2. da otkloni sve greške na platformi za upravljanje dokumentima Savjeta ministara BiH koje se dese u toku trajanja ovog ugovora;
3. da implementira izmjene definirane u Aneksu 3 u što kraćem vremenskom roku;
4. da se u slučaju greške na sistemu odazove u roku od 30 minuta po pozivu Ugovornog organa;
5. da eventualne reklamacije na kvalitet pruženih usluga otkloni u najkraćem mogućem roku;
6. da po stupanju na snagu ovog ugovora odredi stručnu osobu koja će koordinirati obaveze iz Ugovora.

Član 4.

Pružatelj usluga je saglasan da prema potrebi i zahtjevu Naručilja usluga pruža usluge koje su predmet ovog ugovora, u skladu sa odredbama provedenog postupka nabavke usluga koje su predmetom ovog Ugovora i ponude iz člana 1. ovog Ugovora.

IV NAČIN PLAĆANJA

Član 5.

Pružatelj usluga je dužan Naručilju ispostaviti račun, uz izvještaj (opis usluga) koji su izvršeni u prethodnom mjesecu.

Plaćanje se vrši u korist transakcijskog računa Pružatelja usluga u roku od 30 (trideset) dana od dana prijema računa od strane Naručilja.

Pružatelj usluga će vrijednost usluge obračunavati prema cijeni iz ponude.

V OBAVEZE NARUČITELJA

Član 6.

Naručilj usluga će plaćati fakture za izvršene usluge u roku od 30 dana od dana nastanka obaveze, uz pismenu ovjeru ovlaštenog predstavnika Naručilja usluga.

Obaveze Naručilja usluga jesu sljedeće:

1. da prati i nadgleda pružanje usluge na temelju definirane specifikacije;
2. nadgleda i po okončanju posla primi pružene usluge;

3. plati Pružatelju usluga, na temelju pismene ovjere pruženih usluga i ispostavljenog računa za pružene usluge;
4. po stupanju na snagu ovog ugovora odredi stručnu osobu koja će koordinirati obaveze iz ugovora.

VI ZAVRŠNE ODREDBE

Član 7.

Ugovorne strane su saglasne da Pružatelj usluga nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 8.

- (1) Ugovor se zaključuje na period od 27.11.2024. godine do 26.11.2025. godine.
- (2) U slučaju da se ugovor iz objektivnih razloga ne zaključi do 27.11.2024. godine, isti stupa na snagu danom potpisivanja i važi godinu dana od dana potpisivanja.

Član 9.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

Član 10.

Ugovorne strane su suglasne da sve eventualne nesuglasice rješavaju sporazumno, a ukoliko to nije moguće nadležan je Sud Bosne i Hercegovine. Za pitanja koja se pojave tokom realizacije a nisu regulirana Ugovorom primjenjuju se odredbe Zakona o obligacionim odnosima.

Član 11.

Ovaj ugovor je sačinjen u pet istovjetnih primjeraka, dva za Pružatelja usluga, dva za Ugovornog organa i jedan za Pravobranilaštvo BiH.

Član 12.

Ugovorne strane su suglasne da su ovaj Ugovor pročitale i razumjele, te ga u znak suglasnosti potpisuju.


IZVRŠITELJ USLUGA
ORKA D.O.O.


NARUČITELJ USLUGA
GENERALNI SEKRETARIJAT
SAVJETA MINISTARA BIH

Broj U-24-0103

Broj: 06-16-3-2255-11/24

Sarajevo, 07.11.2024. god.

Sarajevo, 29.10.2024. god.